



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LVII. Praeceptum Lotharij Imperatoris quo confirmat possessionem
Ecclesiae Viennensis in villa Toliano.

urn:nbn:de:hbz:466:1-22974

largitionis atque donationis auctoritas perpetuam obtineat firmitatem, manu propria subter eam firmavimus, & de anulo nostro sigillati iussimus.

Signum Karoli gloriosissimi Regis.

Deormarus Notarius ad vicem Hludovici recognovi.

Data Idus Novembris Indictione v. i. anno iv. regnante Karolo glorioso Rege.

Actum in tentoriis prope Redonis civitate in Dei nomine feliciter. Amen.

LVI.

Præceptum Lotharii Imperatoris pro Agilmaro Archiepiscopo Viennensi us de bonis ac facultatibus suis statueret pro sua voluntatis arbitrio.

IN nomine Domini nostri Iesu Christi Dei æterni, Lotharius divina ordinante providentia Imperator Augustus. Dignum est ut imperialis sublimitas procerum suorum * sublimitas tantò benignius ac libentius annuat & annuendo adimpleat quanto videtur ac noverit in suis obsequiis persistere efficaces. Idcirco * omnium fidelium sanctæ Dei Ecclesiæ ac nostrorum præsentium videlicet & futurorum solertia quia Agilmarus sanctæ Viennensis Ecclesiæ vocatus Archiepiscopus & sacri palatii nostri Archicancellarius nostram præstitit excellentiam ut omnes res quas de paterna vel materna ei evenerunt hereditate, vel eas quas ipse per diversa loca quocunque ingenio iustè & legaliter adquisisse dinoscitur, seu & illas quas Deo opitulante iustè & legaliter acquirere potuerit tam per venditionem vel concambium seu per donationem aliquam, per præceptum nostræ immunitatis illi sanciremus habendas. Cujus precibus propter * devotissimum libenter annuentes, hoc nostræ immunitatis præceptum ei fieri decrevimus, per quod omnes res suas illi sancimus, modisque omnibus confirmamus, quæ ei, sicut supra dictum est, de paterna vel materna hereditate advenientes, in quibuslibet pagis & locis consistentes, sicut & eas quas, sicut præfati sumus, iustè & legaliter quolibet modo tam per donationem Regum vel per venditionem atque concambium seu per aliquam donationem adquisisse dinoscitur, ut absque alicujus contradictione vel refragatione quieto eas ipse ac pacifico jure possideat, & cuicunque voluerit derelinquat, & nemo hominum neque cuiusquam potestatis persona ullo unquam in tempore de omnibus rebus suis vel hominibus, liberis scilicet ac servis, qui super terram ipsius commanere videntur, aliquam illi inferre præsumat contrarietatem vel inquietudinem; sed liceat ei cum ipsis rebus vel hominibus, sicut supra dictum est, sub nostræ immunitatis tuitione ac mundeburdo quietè vivere ac pacificè residere. Si verò aliqua querimonia adversus homines suos liberos & servos ortæ fuerint, quæ absque gravi iniquoque dispendio nequeant diffiniri, jubemus ut ante nostram usque suspendatur præsentiam, quatinus ibi juxta legis ordinem finitivam accipiant sententiam. Et quicum-

Tom. II.

que contra hoc nostræ immunitatis præceptum ire aut aliquid agere tentaverit, vel illud violare præsumperit, sciat se eandem immunitatem composurum. Et ut hæc nostræ corroboracionis atque immunitatis præceptio inviolabilem atque inconvulsam obtineat firmitatem, manu propria subter illud firmavimus & anuli nostri impressione assignari iussimus.

Signum Hlotharj serenissimi Augusti.

Ercamboldus Notarius ad vicem Agilmari recognovi.

Data x. i. Kal. Novemb. anno Christo propitio imperij Domni Lotharij pij Imperatoris in Italia x. x. i. v. & in Francia i. i. i. i. Indictione v. i.

Actum Aquisgrani palatio regio in Dei nomine feliciter. Amen.

LVII.

Præceptum Lotharii Imperatoris quo confirmat possessionem Ecclesiæ Viennensis in villa Toliano.

IN nomine Domini nostri Iesu Christi Dei æterni, Hlotharius divina ordinante providentia Imperator Augustus. Dignum est ut erga loca divinis cultibus mancipata munificentie nostræ conferamus largitatem, ut & anteriorum sequamur morem Imperatorum, atque propensius Dei nos credimus ope fulciti & ad præsentem gloriosius transigendam prosperitatem & ad futuram felicius obtinendam beatitudinem, si debitam circa Ecclesias sollicitudinem gerimus. Idcirco noverit omnium fidelium sanctæ Dei Ecclesiæ ac nostrorum tam præsentium quam & futurorum industria quia Agilmarus venerabilis sanctæ Viennensis Ecclesiæ vocatus Archiepiscopus & sacri palatii nostri Archicancellarius nostræ innovit serenitati qualiter tempore prædecessorum suorum quædam villa quæ nuncupatur Tolianus à sede sibi commissa libera facta fuerat. Unde isdem Agilmarus nostram petiit excellentiam ut Tolianum Ecclesiæ Viennensi, cui ipse Deo auctore præsidet, & constructa habetur in honore beati Mauricij martyris Christi, per nostræ auctoritatis præceptum redderemus atque confirmarem. Cujus petitioni assensum præbentes, hos sublimitatis nostræ apices decrevimus fieri, per quos memoratam villam cum omnibus appendiciis suis consistentem in pago Tolianense præfate sanctæ Viennensis Ecclesiæ sancimus modisque omnibus confirmamus, ut tam nostris quamque successorum nostrorum temporibus in dominatione ac potestate ejusdem Agilmari ac successorum suorum permaneat, ut quicquid ad utilitatem ejusdem Ecclesiæ facere decreverint, liberam in omnibus per hanc nostram auctoritatem habeant potestatem faciendi absque alicujus contradictione vel repetitione seu qualibet refragatione. Et ut hæc nostræ largitionis atque confirmacionis auctoritas inviolabilem atque inconvulsam obtineat firmitatem, manu propria subter firmavimus & anuli nostri impressione assignari iussimus.

Signum Hlotharj serenissimi Augusti.

Y Y y y

An. 844.
Ex chartulario Ecclesiæ Viennensis.
* postulationibus.
* noverit

An. 844.
Ex eodem chartulario.

* devotio-
nem ejus

Ercamboldus Notarius ad vicem Agilmari recognovi.

Data x i. Kal. Novembris anno Christo propitio imperij Domni Hlotharj Pij Imperatoris in Italia xx i i i i. & in Francia i i i i. Indictione vi. Actum Aquisgran palatio regio in Dei nomine feliciter. Amen.

L V I I I

Commutatio rerum inter Erchimbaldam
Comitem & Arestagnum.

An. 844.
Ex eodem
chartulario.

ANtiqua legum ratio & majorum vetus promulgavit auctoritas ut pro incertum vitæ humanæ tempus mortisque casus, traditiones, venditiones, & commutationes invicem factas, datas, & acceptas ob firmitatis indicium litteris commendatas ad posterum notitiam. Hoc igitur exemplo muniti Regumque constituta servantes vir illustri Erchimbaldus Comes & ab alia parte Arestagnus venerabilis vir. * inter se commutationem factam legitime secundum mutuum conventum & opportunitatem utriusque loci presentibus litteris indiderunt. Prefatus Erchimbaldus donat atque commutat partibus jandicti Arestagni & vxoris suæ Gimbergæ res de comitatu Viennense pertinentes ad Ecclesiam * martyris. In quam donationem reverentissimus pater Agilmarus ejusdem Ecclesie vocatus Archiepiscopus clericisque consentiunt. Ipsæ verò res consistunt in pago Viennense, in agro Ananocense, in loco qui vocatur Argentaus, & est ibi basilica una in honore sanctæ Mariæ constructa, & unâ cum presbyteratu. & habentur in ipso territorio mansiones iv. cum molendino uno. De terra culta sunt ibi modias cl. xx. prata unde possunt educi fœnum, silvæ ex parte instructuosa: & ex parte fructifera, unde possunt saginari porci viginti. Et hæc cuncta ex omni parte terra ipsius Arestagni. Quicquid etenim de præscriptis rebus supra scripta terminatio circumdat, per præsentem scripturam antè nominatus Comes Archimbaldus Arestagni commutat ad jus proprietatis, ut ex hac die potestatem habeant donandi, vendendi, commutandi, vel quicquid inde facere voluerint, pro stabilitate fruantur tam ipsi quam heredes eorum. Similiter ad vicem donat atque commutat Arestagnus & jam dicta uxor ejus * Erchimbaldi Comitis & sacrosactæ Ecclesie beati Mauricij res suæ proprietatis in eodem pago Viennense, in agro Roionense, in villa me * basilicam unam cum presbyteratu in honore sancti Bardulfi constructam, & ex alia basilica sancti Petri & presbyteratu i i i i. portionem & mansiones i i i i. & vineas unde procedunt vini mod. c c l x. terram cultam in modias i i i. pratum unde exit fœni carrada * & quicquid in hac villa fuit vilis possidisse, prædicto Comiti facta commutatione transfundit, ut ipse & successores ejus potestate utantur sicut cetera beneficia. Volumus autem & constituimus ut hæc commutatio inter nos facta omni tempore permaneat, cum stipulatione subnixâ. Actum Viennæ publicè. Ego in Dei nomine Edenus Diaconus hanc

commutationem scripsi datavi i i i. Nonas Aprilis anno i i i i. regnante Domino nostro Lothario Imperatore, Indictione v i i. Agilmarus vocatus Archiepiscopus hanc commutationem relegi. In Christi nomine Erchimbaldus Comes commutationem à me factam recognovi & manu propria signavi. S. Sigenus S. Vvirannus. S. Scharodus Abbas. S. Hermunbodus. S. Aldulfus. S. Erlulfus Chorepiscopus. S. Arnulfus. S. Balcherius. S. Severus Presbyter. S. Natalis Presbyter.

L I X.

Præceptum Karoli Calvi pro quibusdam Hispanis.

IN nomine sanctæ & individue Trinitatis, Karolus gratia Dei Rex. Cùm clamoribus pauperum aures celsitudinis nostræ accommodantes benignum assensum præbemus * Idcirco notum sit omnibus sanctæ Dei Ecclesie fidelibus & nostris presentibus atque futuris quia quidam Hispani in comitatu Biterrensi consistentes, ac in nostræ proprietatis prædiis commanentes, id est, Ranemirus, & Hansfemundus Presbyter, Aurifolio, Elias mirabilis, Presbyter Cicila, dum obfideremus Tolosam, & moraretur in monasterio sancti Saturnini, adeuntes serenitatis nostræ fastigia, innotuerunt mansuetudini nostræ qualiter Idericus & Petrus seu Emensilus & quamplures eorum propinqui, & progenitores eorum confugerint in villis quæ dicuntur Alpirianus & Albinianus, & eas justè teneant & proprietario jure. Quas siquidem aprifones prælatorum Hispanorum progenitores per licentiam seu concessionem avi nostri Karoli, ac post obitum illius, genitoris nostri Augusti Ludovici, ex deserti squalore habitabiles frugumque uberes proprio labore fecerunt. Quam denique rationem, de more regali, fidelibus nostris venerabilibus, hoc est, Notoni Archiepiscopo, necnon & Elmerado sacri palatii nostri Comiti, Sunifrido etiam Marchioni, & Suniario Comiti, diversisque nobilibus nostris, omnimodis investigare decrevimus &c. Iubemus ut ab hodierna die & tempore nullum hominum liceat eisdem Hispanis posteritatisque eorum, & ipsis qui postea ad eorum fidem venient, aliquo die cum dictis aprifonibus sive hereditatibus, id est, de domibus, vineis, terris, hortis in præscriptis villis consistentibus aliquam inferre calumniam aut illam facere contradictionem; sed sicut à progenitoribus magnisque Imperatoribus parentibus eorum constat esse concessum, ita ipsi & filij filiorum suorum usque in seculum cum omni securitate ipsas res teneant atque possideant, & sub muniturdo nostræ defensionis contra omnium infestationem semper consistant. Sed si etiam ex ipsis aliquis absque filiis & nepotibus mortuus fuerit, volumus, atque per hæc nostram auctoritatem concedimus ut eadem res proximioribus suis parentibus revertantur, licentiâque inter se vendendi & concambiandi plenissimè habeant. Hæc autem magnificentie nostræ auctoritas ut

An. 844.
Ex archi-
vo Ecclesie
Biterrensis.